EJUKONWO GBEFANĐEĐE SOSO ACE AGBETOTOWO ŊÚ

ENYOFONU

Sosó egbexoxo do amenyinyi to alokpa dekpo kpwime kodo enusoso ci wò yi dogù wawa do eseji ko fàfà le ègbeme;

Sosó edemaso le agbeto yoyo be agbeto me ci yi don kanlinnuwawa va egbeme, yi agbeto fon egu, yi shinxome, ehonwo yi do yi ejukonwo dé egbefan be agbetowo le vo a xonuxonu, a vo a xose, a gbédon a gu aya le eko,

Sosó agbewoxe kpokpo do ese ji o, e le vevide be wo de do a zin ameji; no de nyi nene o, agbeto a va so ezo ta, a so nyidon le akon, a fongu do eganwuame kodo ametafudotowo ji,

Sosó nusendodo no dekawawa ko exlododo a yi nuko le ejukonwo gblame,

Sosó enyo ciwo yi le esewemame wowo ejukon ciwo yi do ĐEKAWAWAGBE gbé degbefan yi nu be yewo kando agbeto cewo ji, le amenyinyi ko eyi wanawome, lé nusuwo kodo nyonuwotasoweme, yi yewo so egbe do eju no nonome, nukoyiyi, no agbemenono a nyo no ame kpu, no agbeto a kpo vovo a wa enu ci yi drwi,

Sosó ejuwo kodo wowo kplekplegbe gbesosome, no wo a so na bubu agbeto, a mi dàdà le eyi cewo ji no agbeto a vo fàfà,

Sosó dandandanme o, gbohwe agbe towo a wa do egbèfan lo ji o, wo do a dó susu deke do ace kodo vovokpokpo lo wo ji.

EYITAĐO

BOBOGAN DE EGBEFAN CE soso ace agbetotowo nu;

Egbefandede cɛ yi nyi ejukɔnwo, plenu dɔ, yi wo a wa nɔ, yi amɛshyamɛ kodo wowo bɔbɔwo a do nɔ enukuvi, a tekpɔ, sɔto enukplankplan ko enununyanya gomɛ, a tekpɔ nɔ amɛbubu ko vovokpɔkpɔ a yi amɛshyamɛ kodo wowo bɔbɔwo a do nɔ enukuvi, a tekpɔ, sɔto enu kplankplan ko enununyanya gomɛ, a tekpɔ nɔ amɛbubu ko vovokpɔkpɔ a yi nuko kenu nɔ, le blɛwublɛwumɛ ɔ, edɔ lɔwo a nyi wawa le ejukplekple lɔwo mɛ, nɔ wo a zan wo nyɔnɔnwitɔ le amɛ ciwo yi do kple kplegbɛ lɔwo xwe kodo amɛ ciwo yi wo sɔ do alɔmɛ nɔ wo nɔ´wo a kpa acɛ nɔ wo.

Akpa 1

Agbetowo plenu vano gbeme ko vovodeka gbeswegbeswe, soto amenyinyi ko acewo gome; wo xono susunywin ko jimenywi so esexwe. Wo do a we novi dada wowo nonowo gbo.

Akpa 2

Amɛdekpokpwi do a kpɔ nyɔna le acɛ ko vovo ciwo yi le egbe fandede cɛ lɔ mɛ. Amɛde de do egbe a mɔ akɔ, gbaza, nusukonyɔnunyinyimɛ, egbe, sɛǹsɛǹ, politikinyɔ alo enyɔbudewo ci yi kan agbetɔ, dɔkun, jijixwe alo enyɔ alɔkpabude yi a na yi agbetɔ da kpɔ nɛnɛhan nyɔna.

Sɔ´zeto yɛnu ɔ, wo de do egbe a zɔndo politikise alo jejeshi le xixemɛ nɔ eju amɛdeétɔ nu a de eju lɔ do akpo. Nɔ eju cimɛ amɛlo so xɔ ablɔde can e le ejubuugɔnmɛ can, de le yidekishi can alo de do egbe a zan yideki le ci e drwi nɛnɛ can ɔ wo de do egbe a didoakpo.

Akpa 3

Amedekpokpwi do no agbenono le vovokpokpo ko kandoji amenutoto me.

Akpa 4

Amede de do egbe a so ehalo wa ahwashi alo kannumo; agbeto a so wa ahwashi alo kannumo le alodekpo kpwinu nyi ese.

Akpa 5

Wo de do a de efun no agbeto, kpo wo da do aya no agbeto, a wa xomevevenu, elannu alo enudèagbetokpoto nuwo kodo medekpokpwi.

Akpa 6

Amɛdeka do egbe a nya le afidekpokpwi mɔ agbetɔnyinyi yeetɔ do acɛ kodo ese ciwo wo do a nyi.

Akpa 7

Le ese nuko o, agbetowo plenu nyi enudeke, é le gbeswegbeswe; wo do egbe no condoji alo nyona esetowo gbeswegbeswe. Wo plenu do egbe no condoji dekenume egacime yi wo dedeo voklan do enumowe a so gban egbefandede ce lo kodo wanadekpokpwi ci a na yi wo a gbin.

Akpa 8

Agbetodekpokpwi do egbe a je ehwɛ le kojodoxu eyijumɛtɔ ci gbɔ a je ehwɛ le dru nɔ wo gban acɛ alɔmajeŋu ciwo ese gangan alo ese gbalidekpokpwi ni wo.

Akpa 9

Wo de do egbe ci a le ame gbali gbali enudemawamawa, akpanu sensento a so do egame alo a do ese a so nyi ti le eyijume.

Akpa 10

Agbetodekpokpwi do acɛ, le egbe sɔswɛ koŋu mɛ yi enyɔ ci nu ɔ yi e le ɔ, wo a si ni shigbe le wo a se amɛbuwotɔ nɛnɛ, le ahwamɛ le kojodotɔ ciwo ji wo da ʒin, yi wo a nɔ enyɔji, wo da nɔ agbetɔji. Le eganɔmɛ ɔ, kojodotɔlɔ a nu acɛ kodo esekɔnyinyi eyitɔwo ni alo adodwi ci le enyɔ vwin ciyi byɔ etodɔndɔn ciwo yi wo dodo ɔ ni.

Akpa 11

No wo do enyovwin ciwo byo etodondon no amede o, gboxwe ese a xo meloo, kojodotowo do a defyo le ahwame, le esemonu mo nenehame o, ye wa enyovwin ci yi byo etodondon nyawo, madefyo godu o, wo de do egbe a mo melo wa nenehamee nu. Le kojo lo doxu o, wo do a tekpo a hwlingan le ese nyikome gboxwe a glo.

Wo de do egbe a so ese xo amede no enyo alo enumadoeni ci yi ese eju lo to alo ese ejuwo plenuto de gbe le hwecinu wo wa enu lo. Neneke o, ese de xo enuvwin ci yi byo etodondon deo, ese hunno yi wo a so xo ameci yi je ago lo le hwenonune; wo da don eto no amelo wugan eto ci ese hwenonuto lo byo.

Akpa 12

Wo de do a so tafutafu a yi je amebunyome a so xodyi yi ko eyi mewo, eyi nuwo neneke o, ganwuameto de de do àce azin amebu wenawo ji a hlen, yi a gbe so gble nyiko ni; ese lo, gbe nene wanawo.

Akpa 13

Amεde kpokpwi do acε vo, a dyi sa a yi afi ci yi drwi; nεnεke yi e do acε a do noxu le eju de kpokpwi mε.

Amede kpokpwi do ace a to le eju de kpokpwi me: e senn to le eyi nto jume a yi kaka a qbe tro qbo va me fafede.

Akpa 14

No eganwuamɛcɛkpatowo je egamɛ no amɛde o, no amɛ lo a so senŋu a hwlɛn eyi ta o, e dogbe a byo bexu eju de kpokpwi yi eju lo do a xwɛ fafa de.

No amede je esenu me nyao o, ace ejukonwo plenuto cide de nagbe be yi le shito a yi eju bu me.

Akpa 15

Amede kpokpwi do a nyí ejudekamevi.

Eganwuamεcεkpato de de do acε yi a gbe no eyi jumεto de be yi da gbe nyi yewo jumεvi; nεnεke de do acε yi a gbe ni be yi nu gbe so eju bu a tro eju hon mε vi.

Akpa 16

Le asudede alo nyonudede game o, dekaje ko cugbeje ciwo yi nyi akobunowo, ejubujubumetowo alo sensen ebuebu me to wo o, wo senn de wo nono wo, yi a so egbe do eju a gbaku. Ace deka nme yi wo do le enushyanume so dede hwenu kaka va so yi wo dekiwo gbegbe hwenu.

Ame ciwo yi jiji a de wo nonowo o, wo vi do a na egbeta dekanume gbohwe eju a nya be wo de wo nonowo nyao.

Wỗ jitowo yi nyi ŋuklɛn alo esha ci yi a le nkɔ nɔ wo: nɛnɛke yi wo do a nyi kuku le eta nɔ wo nɛ.

Akpa 17

Amε deka kpaŋ yɔ a, alo e le egbεbɔbɔmɛ yɔ ɔ, e do acε do eyi ntɔ nuji.

Acε de kpokpwi de do a xɔ amɛŋutɔnu leshi ko akpasɛnsɛn.

Akpa 18

Amede kpokpwi do ace a vo le enu ci yi druii le eyi tame, ejime ko sensen kpaxwe; e sengu gbé doli sensen kodo eyi susu lo wo, alo a de wo to no eju a jeshi; e sennu like no sensen ko susu lowo a don amewo bo do eyi deki gu so to nukoyiyi le enukplankplan enuwawa, kodo sensen alo sensenwanawo plegu gu.

Akpa 19

Agbeto dekpokpwi do ace a vo le eyi susu alo eyi tamebubume; e do ace a vo a nu enyo ci yi le susume ni no eju a se; e do ace a ji gonme no enuwo ko enyowo, a to emowo kenukenu ji a drá wo no xìxè kònune alo ejuwo kpu a se; enude kpokpwi de do a donuklen alo vonvon ni.

Akpa 20

Agbeto dekpokpwi do ace a vo le bobowawa kodo egbe ci yi gbe ahwawawanyowo gbo.

Wo de do a so eganwuame a so lon ame do ehabobodeme.

Akpa 21

Amεde kpokpwi do a so eyi fo cute a kpankon le eyi ju ŋukoyiyi wanawo mɛ, alo a nagbe no amɛbu a wɛ.

So to edowa gome o, amewo plen do a kpo texwe gbeswegbeswe.

Ejukonwo drodro o, eyi a nyi esha le ŋuko no ejuwomεcεkpakpa. Eyi ji yi wo do a zon no no akodadawo do jojwε ji gamεgamε.

Akpa 22

Amedekpokpwi le egbɛmɛ do a vo faa a kpɔ nyɔna sɔso alɔdowomɛ, alɔdo hɔnwo a na yi a kpɔ vivivi le acɛ ciyi kan dɔkunmɔwo, agbetɔ eŋunuyanya ciwo de do a hwedo amɛ, yi a na ŋukɔyiyi nɔ amɛnyinyi le hlɔn hlɔn eju dekadeka ko wowoxlɔwawamɛ. Nɛnɛhamɛ hlɔnhlɔn ko exlɔwawa kan dɔkun eju dekadekatɔ.

Akpa 23

Amɛde kpokpwi do a wa edɔ ci yi je kodi le jumɛ, yi a kpɔ nyɔna ciwo yi le edɔ lɔ wawamɛ.

Evototo dekpokpwi de do a no ehocucume no edo dekamuwatowo.

Edofencu o, e do a sun edowato ko eyi xomuwo, vo no da suno, wana bu dewo do a le e jume a so na wo vovo.

Edowato dekpokpwi degbe a do edowatowobobo ci yi drwi me a sen nu a gbe no ametafu.

Akpa 24

Edowato dekpokpwi do a dó gbongbon hwenu a so vo, edowagamewo do a nyi dredreme. Le exwekpegbonjwiin eyi towo me o, wo do a cu no efen ni.

Akpa 25

Amede kpokpwi do a do enu ci yi a so kpo eyi ko eyi xomuwoji soto lanmesen, enududu, acododo, xomenono, dotoxweyiyi ko alodoamejudowaxu ciwo a na yi wo a vo; wo do a no godu ni le edomakpowa game, edolehwenu, le ekpoxome, nyoxome, neneke le enuwanu ciwo yi de so eyinuto drodro nu wo hwenu.

Alodu de do a li no evijitowo ko wo vi. Evi ci yi asu ko ashi ji ji ko ci yi wo ji le gbanji wo o, wo so enu le ejum ϵ , yi evototo de de do a no wo m ϵ .

Akpa 26

Amede kpokpwi do a yi sukulu a xɔ enunyanya gbaligbali, e glo ka ka can ɔ, a xɔ enunyanya gɔnmetɔ dandandan. Alɔnudɔ kplanxu sukulu wo do a ni nɔ ame kpu. Sukuluganwo ɔ, wo do a hun wo nɔ ame ciwo nununyanya je àbà hɔn me nɔ.

Sukulu do a na wo a nyanunu so to agbetobubu gome. E do a na yi wo a nya be enusokeame, exlowawa le ejuwo glame akowo alo sensen wo gblame kodo ejuwokplekplegbe nuwanawo ci wo a na yi vovo a no gbeme, enu honwo o, enu vevi yi wo nyi.

Kplankplan ciha nume yi deviwo a xɔ ɔ, e do a nyi wo jitɔwo nyɔ.

Akpa 27

Agbetodekpokpwi do a vo a wa emumumunuwo kodo eyitowo, akpo jijole adanudododowo gbo, kenu a no waxu no nukoyiyi soto enudwi kuku gome kodo wanywi ciwo yi a to le me.

Amɛdekpokpwi ci yi nyi edɔdewatɔ dogbe a hwlɛn wananywi ciwo yi to le eyi nudwikuku gomɛ, eyi danudodowema ko eyi danu gomɛ.

Akpa 28

Amedekpokpwi dogbe a byo be hannyahannya nugbe no ejume, no wo a zon do ace kodo vovokpokpo ciwo yi zé le gbefandede ceme, soso agbetononome gbe soso ejukonwononome.

Akpa 29

Ameqekpokpwi do a wa edo no eyiju cime yi eyi nonome alo eyigbetonyinyime a to le, le vovokpokpo kodo nukoyiyi adodwi gome.

Le eyice kodo eyivovokpokpozanzanme o, ese dowo yi a gbe enyo no ame no wo a so jeshi amebucewo kodo eyi vovokpokpowo gbohwe a so kpo emo a dra enu do le wana gome, le hannyahannya ma do dó acekpakpame kodo vovo gbaja le eju ci yi ya no eyidekishi.

Tretregbedi, wo de do egbe a zon ace cewo kodo vovokpokpo cewo to amebudewo ciwo de nyi afodoxuwo no ĐEKAWAWAGBE EJUKONWOTO.

Akpa 30

Ejudekpokpwi, ehabobodekpokpwi, amεdekpokpwi de do egbe a so Egbe fandede cε a so wa enubadade alo a so wa kanlindode shigbe a so gbe be

agbetowo da zan acε ko vovokpokpo ciwo yi ze le wemacεmε.